

欽定天文正義

欽定天文正義卷四十四

鬼宿占

鬼宿占

史記天官書與鬼鬼祠事正義與鬼五星主祠事天目也主視明察奸謀東北星主積馬東南星主積兵西南星主積布帛西北星主積金玉隨其變占之鬼星明大穀成不明百姓散

觀象玩占鬼四星為朱雀頭眼一曰天鈇鎖主誅穀一曰天廟主祀事一曰天訟一曰天匱一曰天墮主疾病死喪土星也其中為日月五星中道移徙則政急民愁動搖則役煩賦重連年水害

天文會通鬼宿東北星明潤則息馬蕃庶暗則馬多疾死西

南星明潤則商賈通閤市不禁暗則女不親絲枲布帛大貴
西北星明潤則府庫充暗則金寶出為野人所掠四星踈析
則歲歉民饑百姓流徙四星就聚與鎮星光相近者天下多
疾疫民多死亡星移徙及變色者其下有白衣會一星亡則
一事廢假令東北星亡則馬不蕃庶是各以所主占之

月五星犯鬼宿

史記索隱宋均云熒惑守與鬼南為丈夫受其咎北則女子
受其凶也

漢書天文志熒惑守與鬼占曰為火變有喪

後漢書天文志凡五星入與鬼中皆為死喪熒惑太白甚

晉書天文志月犯與鬼與鬼主斬殺占曰人多病國有憂又
曰大臣憂又曰大臣有誅又曰秦有兵歲星犯與鬼東南
星占曰兵起又曰人君憂木入鬼大臣誅熒惑犯與鬼占
曰秦有兵又為旱為兵喪亦曰大人憂亦為內亂填星犯
與鬼占曰人主憂入與鬼占曰為旱大疫為亂臣太白犯
與鬼占曰大臣誅一曰兵起又曰國有憂辰星守與鬼占
曰秦有災

隋書天文志太白犯與鬼占曰有兵謀誅大臣斧鑕用

唐書天文志熒惑犯與鬼占曰諸侯凶

宋史天文志月犯與鬼秦分君憂一曰軍將死責臣女主憂

民疫 歲星犯鬼穀傷民飢 熒惑犯與鬼忠臣誅 一曰兵起后失勢入則后及相憂 一曰賊在君側有兵喪勾已國有赦 填星犯鬼宿大臣女主憂守之憂在後宮為旱為土功 太白入犯鬼為兵亂臣在內 一曰將有誅貲之而怒下有叛臣久守之下有兵為旱為火萬物不成 辰星犯鬼五穀不登守為有喪憂在貴人

觀象玩占月犯鬼郝萌曰兵在外將死武氏占曰天下不安諫臣憂月入鬼人多病死從南入為男從北入為女從西入為老人棺木貴月食鬼女主憂貴人死有喪謀臣憂糾彈之官有凶月犯鬼西南星布帛貴有錢令犯西北星金玉出犯

東北星馬多死犯東南星兵大起 歲星守鬼巫咸曰天子
賜諸侯金玉錢帛石氏曰人主有祭祀事郗萌曰人多病狂
死者天文論外邦諸侯有來朝者木守鬼十日以上金錢大
出木守鬼西南五日以上秦漢之地有反臣海中占木守鬼
出其北旱出其南多雨水五穀熟出其左右貴親坐之又曰
木守鬼角動有謀逆者色黑事不成伏誅石氏曰木守鬼五
十日不下民有大喪百日不下民半死木守鬼居東北麻豆
成居東南豆麥熟居西北黍稷不成居中央歲凶木入鬼相
照一曰有妖言木逆行鬼出其陽男子災出其北女子災一
曰木逆行守鬼色怒者先憂後喜木犯鬼近布帛發布帛近

金玉發金玉近馬發馬近兵發兵約七寸 熒惑犯鬼廿氏
曰執法者戕石氏曰旱多火災大臣憂火入鬼金玉用有大
殺黃帝占財寶出物貴天下大疫巫咸曰火入鬼將相有誅
者一曰有內亂有屠城火舍鬼君疾病人疫應在衝都萌曰
風雨不時多霜雪舍西北妊婦多死舍其中小兒多死人多
病頭目痛舍東北長年多死有大水舍東南老人多死火出
入苗舍鬼五十日不下國水傷有空邑都萌曰火守鬼東北
男子兵相殺守東南民多死守西北戎狄叛有反軍守西南
秦地有反者荊州占曰火守鬼東北星棺木貴守東南星五
殺貴守西南星金錢貴守西北星鐵器魚鹽貴石氏曰火守

鬼國有祭祀事。巫咸曰：有兵，兵罷多水災，萬物不成。一曰：有火災。一曰：出其南，旱；出其北，水。火守鬼，已去之，復還居之。大國之君，山火逆行，犯守鬼，成勾已，兵起，金錢玉帛散出。將軍有戰死者，火入鬼而守其中。天下白衣聚土功興。填星犯鬼，天文錄：其分有失，逆行犯鬼，女主貴，親有憂，土入鬼，黃帝占曰：有兵。郗萌曰：天下疫，土守鬼，石氏曰：大人憂。巫咸曰：天下旱，物不成。郗萌曰：天下受賜，財寶出。又曰：土守鬼，大疫守西南星，西南病守西北星，西北病守東北星，東北病守東南星，東南病守其中。天下皆病。又曰：土舍鬼中有赦，土出入留舍鬼，大旱，大疫，布帛貴，天下人多死，來視其所從入，去視其

所從出以言其人及其受殃之方 太白犯鬼財寶出各以

其星所主言之太白入鬼郝萌曰歲惡婦人多懷子死者一

曰有屠城南官侯曰國有喪有兵大戰郝萌曰太白守鬼傍

女主病國有祀事民災海中占曰太白出其南為水出其北

旱太白出入留舍鬼久不下人多疾死太白與鬼鬪其下有

反臣 辰星犯鬼兵起水入鬼執法者誅有水災陳卓曰蠻

夷之君有誅一曰財寶出辰星守鬼人多疾疫民饑流亡國

多誅殺一曰人多耳目疾海中占水守鬼出其南水出其北

旱守鬼西南秦蜀有反臣辰星守鬼大水蝗蟲起

天文會通月犯鬼宿其國有兵喪月入鬼宿中其分有兵憂

一曰有喪月行鬼宿太南其國旱太北其國水 木犯鬼邊
兵起秦分民受禍木守鬼宿其國有兵火木星光明潤澤居
鬼宿其邦有喜色怒即憂木退行犯守鬼國有兵喪人民死
亡 金星犯鬼有急兵守鬼九十日則大赦若出鬼中則貴
人有喪又曰多土功事金入鬼則天子用誅戮金守鬼有水
旱近臣叛退行干犯鬼守之兵喪並至 水星犯鬼斧鑕用
一曰其邦有大水又曰政令急

按鬼宿四星第一星在黃道南一度弱第二星在黃道北
一度半第四星在黃道北四分月五星皆及犯之第三星
在黃道北三度強月與火土金水四星皆及犯之惟木星

不及犯觀象玩占謂其中為日月五星中這是也

彗孛客星見鬼宿

宋史天文志彗星犯鬼兵起國不安 星孛其下有喪兵起
宜修德禳之 客星犯鬼國有自立者敗一曰多土功入之
有誼盟祠鬼事

觀象玩占彗孛出鬼名曰喪棲有大兵大疫積尸暴骨不出
三年 客星出鬼正咸曰其國有喪客星入鬼郝萌曰多死
喪一曰鉞鉞用客星犯鬼天文論其分君憂郝萌曰男女不
得耕織一曰牛貴客星守鬼石氏曰秦有奸欲危其主正咸
曰人君貴人有憂甘氏曰國有大喪守五十日不去兵大起

將軍戰於野有死者郝萌曰多工役牛馬貴有更改之事荊
州占守東南星穀貴守西南星金錢貴守西北星魚鹽貴
天文會通彗星入鬼芒談所指國必亡 孛星出鬼貴人犯
法又曰有逐相一曰其國有叛臣又曰有哭泣事 客星入
鬼宿有赦期七十日色青黑有哭泣事赤色耀貴客星入鬼
中法令急急貴人受刑客星在鬼中有急兵客星守鬼其分有
兵疫留舍鬼中兵革動

流星出入鬼宿

宋史天文志流星入鬼四國來貢

觀象玩占流星入鬼國有宗廟祠祀事流星出鬼天子使出

外有宗廟祠祀死喪之事黑星出鬼所之之地多病入鬼秦人多病流星交抵鬼中國與南夷交兵奔星有光如火散行鬼上下大臣受賜

天文會通流星犯鬼宿在春夏犯刑法不平秋冬犯其分民疾

雲氣出入鬼宿

宋史天文志白雲氣入鬼宿有疾疫黑后有疾憂赤為旱黃為土功

觀象玩占黑氣入鬼大人憂赤雲氣入鬼有火災

天文會通蒼氣入鬼有哭泣事出鬼禍除黃白氣入鬼天子

有喜祀宗廟黑氣入鬼有水災白氣入鬼有外使來

耀星

宋史天文志耀四星在鬼宿西北一曰在軒轅西主烽火備邊亭之警急以不明為安明大則邊有警

觀象玩占耀四星一曰烽耀其星不欲明而不欲亡小而不明則天下安靜動搖則外兵入亡不見則戒在守候之臣天文會通耀四星一星亡則邊陷一郡四星俱亡四塞俱擾一曰四夷內侵

月五星犯耀星

觀象玩占金火犯守耀星邊亭有急

按耀四星第一星在黃道北五度強月與火金二星及犯之第二星在黃道北四度半弱月與火金水三星及犯之第三星在黃道北八度半弱第四星在黃道北九度半弱惟金星及犯之餘不及犯

彗孛客星見耀星

天文會通彗尾掃耀星外夷內侵 星孛耀星邊將不受制
客星犯耀星外奸入境

流星出入耀星

天文會通流星干犯耀星兵起邊方視其所從入以占方
雲氣出入耀星

宋史天文志赤雲氣入天下烽火動

天文會通雲氣蒼白色入耀星邊燧有警赤氣出耀星夷狄猖獗黑氣入之外夷入寇黃雲氣入之邊將以職受賞

天狗

宋史天文志天狗七星在狼星北主守財動移為兵為饑多寇盜有亂兵

觀象玩占天狗七星在狼北鬼宿西南橫河中以守賊也失色變常則天下有大盜

天文會通天狗七星主邊兵亦主外夷星明大則夷狄舉兵星疎拆則夷狄弱星就聚則夷狄強暗則中國兵強外夷受制

按天狗七星其最北一星亦在黃道南四十三度月五星皆不及犯

彗孛客星見天狗

宋史天文志客彗守之則羣盜起

觀象玩占彗出天狗羣盜起虎狼害人犯之盜賊起守禦之臣有憂客星入天狗有暴風急雨黃帝占曰北夷饑來降
荊州占曰多土功守之守禦臣作亂

天文會通彗星掃天狗外夷內侵中國擾
星孛天狗邊民大擾客星入天狗狂虜犯邊城

流星出入天狗

天文會通流星抵觸天狗夷狄遣奸使入中國

雲氣出入天狗

天文會通黑氣出天狗邊兵潰入之夷兵敗黃氣統覆之邊

將有暴貴者

外厨

宋史天文志外厨六星為天子之外厨主烹宰以供宗廟占

與天厨同

觀象玩占外厨六星在柳南祭祀燕享之厨也占與天厨同

天文會通外厨六星星不見為凶守常則吉星明潤天下和平五穀熟

按外厨六星其最北一星亦在黄道南十七度弱月五星皆不及犯

彗孛客星見外厨

天文會通彗星掃外厨國饑 星孛外厨色白則兵叛爭食客星守外厨天下大饑

雲氣出入外厨

天文會通白氣入外厨兵叛操食黑氣入之天下荒黃氣入之天下大熟

積尸氣

史記天官書中白者為質

按中丞上文
謂鬼宿中

正義與鬼五星中一

星為積尸一名質主喪死祠祀質欲其習習不明明則兵起大臣誅下人死之

宋史天文志積尸氣一星在鬼宿中孛孛然主死喪祠祀一曰鐵鎖主誅斬動而光賦重役煩民懷嗟怨

觀象玩占鬼宿中央色白如粉絮者謂之積尸氣一曰天尸主刑法天尸如雲非雲如星非星見氣而已不欲其明明則鬼害人多病死動搖則疾疫兵水之災並起

天文會通鬼宿中央星如粉絮為朱雀首一名天尸星大而
有芒角如蝟則死人如邱山積尸之象

月五星犯積尸氣

史記天官書誅成質集解晉灼曰熒惑入與鬼天質占曰大臣有誅

漢書天文志熒惑入與鬼天質占曰大臣有誅者名曰天賊在大人之側

後漢書天文志熒惑入與鬼犯積尸占曰兵在西北有沒軍死將又曰貴人有憂

隋書天文志太白入與鬼犯積尸占曰大臣誅又曰亂臣在內有屠城 熒惑犯鬼質占曰斧鉞用

宋史天文志歲星犯鬼鎖執法臣誅 填星犯積尸在陽為

君在陰為后左為太子右為貴臣隨所守惡之

觀象玩占月犯天尸亂臣在內陳卓曰國內亂大臣誅一曰
秦邦君憂月食天尸其分兵喪土功起鉄鑽用木入鬼食
天尸石氏曰天下死者大半王者疾病有兵又曰國有喪諸
侯大臣有戮死者若逆行入鬼犯食天尸則有大兵鉄鉞用
大臣誅天下有積尸若在十二月其災甚大火入鬼犯天
尸甘氏曰兵起三十日不下有喪人流亡火中犯乘守天尸
皆為國有喪若以十二月從西來入守之則人多死大臣被
誅他月則災輕土守天尸其分有積尸以入日占國太
白犯天尸將軍戮一曰執法者誅太白入鬼守天尸兵起將

軍憂國有喪下臣謀逆石氏曰近臣叛一曰殺大臣天下多
死喪 水犯天尸貴臣有罪死兵起水入鬼食天尸君與貴
臣俱憂民大疫視其出入與土金同占

天文會通月犯鬼中央鎖星其國有喪亦曰有喪塋事犯鎖
陽為男子事犯鎖陰為女子事月犯鎖謀臣亂弭官誅 木
入鬼中在鎖南其國有男子喪在鎖北其國有女子喪留五
十日天下災疫犯天尸執法臣戮 火出入守天尸災甚若
留五十日不去主大旱疫 土星入鬼中犯積尸兵起橫尸
蔽野土乘鎖星人君憂民疾疫 金星犯積尸有屠城 水
星犯積尸積尸之象

按積尸氣一星在黃道北一度半月五星皆及犯之

彗孛客星見積尸氣

觀象玩占客星入鬼居天尸南男子多死居其西老人多死居其東丁壯多死居其北婦女多死居其中兵起天下人多死兵器馬魚鹽價倍客星犯天尸國君憂金玉貴天下大疫人多死

天文會通彗孛犯鬼鎮國有大喪其分大臣橫行一曰大臣災客星守天尸金玉出一云有赦

流星出入積尸氣

宋史天文志流星犯鬼鎮有戮死者入則四國來貢

觀象玩占流星入鬼鎖大人憂

雲氣出入積尸氣

宋史天文志黃雲氣入犯積尸貴臣有憂青為病

天文會通白雲氣入犯積尸貴人憂青病黑喪黃其分喜

天記

宋史天文志天紀

按步天歌及儀象考成皆作天記

一星在外厨南主禽獸

之齒

天文會通天紀星明大則野獸入井市微明則吉

若怒出四角則猛獸食人星亡則百獸多死

按天記一星在黃道南五十六度月五星皆不及犯

彗孛客星見天記

宋史天文志客星守之則政隳

觀象玩占彗孛犯天紀人不安居六畜疫禽獸不育多死者

客星守天紀國政亂

天文會通彗孛犯天紀則猛獸入都市客星干犯天紀則

猛獸食人

流星出入天記

天文會通流星抵觸天紀逐獸有憂

雲氣出入天記

觀象玩占黑氣入掩天紀禽獸大疫六畜死耗

天文會通白氣入天紀禽多死黃氣入之瑞獸入城邑黑雲
氣犯天紀則猛獸食人

天社

晉書天文志弧南六星為天社昔共工氏之子句龍能平水
土故祀以配社其精為星

宋史天文志天社六星在弧矢南明則社稷安不明動搖則
下謀上

天文會通天社六星社稷之臣土地之主

按天社六星社其最北一星亦在黃道南六十一度月五
星皆不及犯

彗孛客星見天社

宋史天文志客星入有祀事於國內出則有祀事於國外
觀象玩占彗孛出天社若犯入之除舊布新

天文會通彗孛犯守天社天下亂 客星干犯天社有外奸

竊國柄

流星出入天社

天文會通流星抵觸天社夷狄遣使入境

雲氣出入天社

天文會通黑雲氣出天社有坐法大臣白雲氣入之有兵變

黃雲氣入之有喜

欽定天文正義卷四十五

柳宿占

柳宿占

史記天官書柳為鳥注主草木索隱案漢書天文志注作味爾雅云鳥味謂之柳孫炎云味鳥之口柳其星聚也以注為柳星故主草木也正義味一作注柳八星星七星張六星為鵜火於辰在午皆周之分野占以順明為吉

宋史天文志柳宿八星天之廚宰也主尚食和滋味又主雷雨爾雅曰味謂之柳柳鵜火也又主木功一曰天庫又為鳥喙主草木明則大臣謹重國家廚食具開張則人饑亡則都邑振動直則為兵

觀象玩占柳八星為朱鳥喙一曰天相一曰天庫一曰天大

將軍一曰八臣一曰天廚主御膳酒食倉庫和鼎實以饗宗
廟又主雷雨主工匠主草木火星也一曰土星其北六尺為
日月五星中道其星欲明明則王者安不明則王者失政宮
中不安注舉首則主命行賢佐出失色則天下饑饉

天文會通柳宿八星明則風雨時暗則雷雨失時一星不見
則秋霜殺草木五穀不熟星有芒角則雨澤不止水毀人居
亦主暴兵四起祲星干犯則天廚失職

按柳宿八星其最北一星亦在黃道南十一度月五星皆
不及犯觀象玩占謂其北六尺為日月五星中道較今測
差少五度

彗孛客星見柳宿

宋史天文志彗星犯柳大臣誅為兵為喪 星孛於柳南夷叛甘德曰為喪 客星犯柳咎在周國守則布帛魚鹽貴色蒼白我邊地諸侯

觀象玩占彗孛出柳兵起臣為逆大旱穀貴武密曰庫藏災彗孛犯柳乙巳占曰國諫大臣兵喪並起又曰強臣凌主天下傾危其國大旱民多饑死彗孛行犯柳黃帝占曰南夷叛客星出柳兵起大水天下饑人流亡不出其年赤星出柳執法者遇賊客星入柳兵起布帛繒絮貴郝萌曰兵從澤起道路不通南官侯曰客星色赤芒角入柳地大動客星守柳

庫兵大發一曰牛貴羗胡為亂弓弩聚荊州占曰絲麻羊貴
客星舍柳兵出得地既得之還失之乙巳占曰客星犯守柳
天子賜邊臣

天文會通彗星在柳芒角所指有殃主勝客負光芒不盈其
國有火災彗星出柳中天厨失火厨宰失官彗在柳有芒角
不動者其國殃淺有芒角熒熒若燃火光者其野有死者君
又曰其下謀上 孛出柳中其國憂兵亦主女喪孛星出柳
光芒長及丈餘食頃滅其分有兵火暴起若光芒及他宿則
周受禍輕孛在柳光芒不出本度受禍尤甚 客星犯柳中
乘之而不去及二十日以上者其國有外寇至亦主有賊君

之臣若青色國君有憂色赤則有暴兵起色黃則其野有土功變生不測色白憂兵火色黑凶客星守柳中經五十日不去其國人相食盜賊四起

流星出入柳宿

宋史天文志流星出犯柳周分憂色黃為喜入則王者內有火災乙巳占出則宗廟有喜賢人用入為天厨官有憂木功廢

觀象玩占流星出柳天文論木工用乙巳占名木有出者一曰天子有宗廟事武密占曰多雨水

天文會通流星出柳其國有使至貸食於天子流星黃潤出

入柳中五穀貴而不時行雷電不藏亦曰天厨宰失職被黜
流星出入不離柳中及不出本度者天厨有火亦曰旱傷霜
傷禾

雲氣出入柳宿

宋史天文志赤雲氣入柳為火黃為赦黃白為天子有喜起
宮室

觀象玩占赤雲氣出柳大旱黑氣如鋒刃刺柳三夜不散大
人憂白氣出柳國有憂兵出

天文會通蒼白氣入柳中則多風雨失蒼白氣環繞柳中其
野有能將黑氣入柳則雨失時為淫傷禾稼黑氣掩蔽柳星

不見其野有拔城白氣未滅復有赤氣縈紆則其國兵火至
白氣經天繞柳其國君有憂赤氣入柳中其野大水赤氣掩
柳則天厨有火災青氣繞柳如足物則有旱霜及非時之雹
傷禾稼

酒旗

宋史天文志酒旗三星在軒轅右角南酒官之旗也主宴享
飲食星不具則天下有喪帝王宴飲沈昏非禮以酒亡國明
則宴樂謹

觀象玩占酒旗三星明則多歡娛之事昏暗則天子以酒失
禮

天文會通酒旗三星明潤則吉出怒角則凶

月五星犯酒旗

宋史天文志五星守之天下大飢有酒肉賜宗室
熒惑犯之飲食失度 太白犯之三公九卿有謀

觀象玩占辰星犯酒旗天下以酒傷害財物

天文會通月暈三重周匝酒旗則三日有大風雨 月木火
土水犯守酒旗天下以酒廢生業

按酒旗三星第一星在黃道北十九分月五星皆及犯之
第二星在黃道南三度強月與火土金水四星及犯之第
三星在黃道南五度半月與火金二星及犯之餘不及犯

彗孛客星見酒旗

宋史天文志客彗犯主以酒過為相所害

觀象玩占客星守酒旗天子飲食失度荊州占曰天下大酺以酒食害財

天文會通彗掃酒旗主酒食之官有陰謀星孛酒旗有飲食之憂客彗孛干犯出之及赤氣入之宜節宴飲防察近人

流星出入酒旗

天文會通流星入酒星則主有進飲食若流星色白而隱隱有聲則憂飲食之毒流星犯入酒星人民因酒為亂又曰天

子以酒食財物賜宗室

雲氣出入酒旗

宋史天文志赤雲氣入君主以酒失

天文會通黑雲氣入酒星侵軒轅則有進毒以酒者黃氣繞酒星主有進美酒倉白氣入之主兵起

欽定天文正義卷四十六

星宿占

星宿占

史記天官書七星頸為員官主急事索隱案宋均云頸朱鳥頸也員官龍喉也物在龍喉終不久留故主急事也

宋史天文志七星七星一名天都主衣裳文繡又主急兵故星明王道昌暗則賢良去天下空動則兵起離則易政蓋天曰七星為朱雀頸頸者文明之粹羽儀所承

觀象玩占星七星一曰天廷實為赤帝府於午主衣裳繡黻文繡是為朱鳥之頸周禮鳥與七旒以象鶉火謂七星也一曰天御一曰注侯一曰津橋后妃女御之位亦為賢又為烽亭主急兵守盜賊水星也一曰火星其右星北上十三尺為

日月五星中道不明則執政不平

天文會通星宿七星均明則天下和平一星暗則賢路塞七星俱暗則其國有暴兵芒角或動而明大則臣下有僭上之服亦主陰謀星直則其野有急兵若星不相屬而暗則其國兵叛

按星宿七星其最北一星亦在黃道南十四度強月五星皆不及犯觀象玩占謂其右星北上十三尺為日月五星中道較今測差少一度

彗孛客星見星宿

宋史天文志彗犯七星有亂兵貴起貴臣戮武密曰彗星出

七星狀如杵為兵 星孛於星有亂兵起宮殿貴臣戮大臣
相諧 客星犯七星為兵荊州占云河水決民流

觀象玩占彗孛出星甘氏曰國有叛臣人主不安有大水彗
出星張之間狀如布從風而靡此為兵戒熒惑之變也其占
為君失政臣弄權兵起 客星出七星君以急事遣使以色
占其吉凶以星所往占其國客星入七星石氏曰客有以急
事來使者以色及其所來占之郝萌曰有君置太子者有奇
令一曰色赤宮中憂火色黑貴人憂客星守七星布帛麻枲
貴津梁絕石氏曰周地有大賢守之三十日不去天子廷中
有賊國易政土工興馬貴鹽貴麻豆不收又曰青黑色為人

疾病白色為死喪乙巳占客星守七星兵大起多水潦客星舍七星五穀不成留舍不去宮中憂火

天文會通彗在宿星宿光芒指他宿及丈餘以上者所指國

受殃星孛七星中其分有女喪星孛七星光炸者其野兵

起亦主盜賊四起星孛七星色赤光長者其野有革命諸侯

孛星入七星魁其分有立王光芒四散不定者其國有陰謀

不成客星凌犯星宿其國兵暴起客星入留舍星宿往來

及四十日以上者其國有叛臣客星入星宿天都起暴兵若

色赤則憂火色白憂兵起色青憂大臣有謀色黃則憂土功

有變色黑則憂諸侯更立

流星出入星宿

宋史天文志流星犯七星為兵憂又曰入則有急使來乙巳占流星入庫宮有喜錦繡進女工用

觀象玩占流星出七星內庫金帛出一曰王者以急事遣使乙巳占流星雙入七星五穀不熟天文論七星為天都凡流星出入皆為財帛之事

天文會通流星犯星宿出入抵觸者其分有流民

雲氣出入星宿

宋史天文志蒼白雲氣入七星貴人憂出則天子用急使赤入為兵黑為賢士死黃則遠人來貢白為天子遣使賜諸侯

帛

觀象玩占蒼白雲氣出七星回曲而不正有亡臣赤雲氣入
七星中有客星來必有兵隨之出則天子使出亦有兵隨之
出赤雲氣如波揚入七星中火氣也宮中有火災黃氣出七
星則天子有賜於諸侯氣見而大風隨之者有赦

天文會通蒼白氣入星宿其分憂兵喪赤氣入之為外寇出
之為內變黑氣環繞之有陰謀赤黃氣出之有立侯王白氣
貫之其下破軍殺將黃氣繞之賢士昌

軒轅

史記天官書軒轅黃龍體前大星女主象旁小星御者後

宮屬集解孟康曰軒轅為權太微為衡又曰形如騰龍索隱
援神契曰軒轅十二星后宮所居石氏星讚以軒轅龍體主
后妃也

宋史天文志軒轅十七星在七星北后妃之主士職也

按通志作

士女

賦一曰東陵一曰權星主雷雨之神南大星女主也次北

一星夫人也屏也上將也次北一星妃也次將也其次諸星
皆次妃之屬也女主南小星女御也左一星少后宗也右
一星太民太后宗也欲其色黃小而明武密曰后妃後宮之
象陰陽交合感為雷激為電和為雨怒為風亂為霧凝為霜
散為露聚為雲氣立為虹蜺離為背瑤分為抱珥此二十四

變

按通志作十四變

皆權主之微細則皇后不安黑則憂在夫人移

徙則民流東西角大張而振后族敗

觀象玩占軒轅十有七星典六宮之內政以弼太微刑萬國
又為女主之廷一曰天柱土官也石氏曰軒轅中央土神黃
帝之舍也其星色黃潤澤大小有序則時和歲豐後宮多子
其小星明與大星等則後宮乖爭妃妾上僭

月五星犯軒轅

史記天官書月五星守犯者如衡占

後漢書天文志軒轅者後宮之宮大星為皇后金犯之為失
勢歲星犯軒轅為女主憂

晉書天文志月犯軒轅大星占曰女主憂 熒惑犯軒轅大星占曰女主憂 填星犯軒轅大星占曰人主惡之 太白犯軒轅大星占曰女主憂又曰在趙及為兵喪 辰星犯軒轅占曰女主憂又曰女主當之

隋書天文志太白犯軒轅占曰四方禍起行軒轅中大臣出令

唐書天文志太白犯軒轅右角占曰相凶

宋史天文志月入之女主失勢或火災犯左右角大臣以罪免中犯乘守太民為饑太后宗有罪守少民小有饑女主失勢守御女有憂月暈女主有喪 月五星凌犯環繞乘守皆

為女主有禍 歲星犯之女主失勢一曰大臣當之乘守太
民為大饑太后宗黜中犯乘守少民為小饑後宮有黜者
熒惑犯守句已后妃離德犯御女天子僕妾憂犯太民少民
憂在后宗守之宮中有戮者 填星行其中女主失勢有喪

太白犯之皇后失勢

觀象玩占月犯軒轅大星女主有災亦為人饑石氏曰月犯
乘軒轅大星民大饑大流犯乘小星民小饑小流月暈軒轅
有女喪有小赦 五星犯守軒轅有逆賊有火災天下饑犯
大星女主憂犯妃夫人犯妃夫人憂亦為將軍有憂犯女御
女御憂犯太民太后宗憂犯少民皇后宗憂一曰犯左右角

大臣當之。歲星犯守軒轅玉歷曰後宮不安郝萌曰木出
軒轅有青龍出宮中歲星勾己守犯軒轅天下大旱饑。熒
惑入軒轅用事女子當之火中犯來守軒轅所中死者死不
則有大憂火守軒轅黃帝占曰兵起荊州占曰地動石氏曰
火守軒轅中十五日以上天下亂。土守軒轅石氏曰大赦
甘氏曰天下亂。太白入軒轅石氏曰有逆賊犯軒轅有兵
喪民饑太白守軒轅兵起宮中有憂。辰星犯軒轅女主憂
有逆賊兵起有所中犯來守各以其所主命之。

按軒轅十七星第一星至第七星第十星十一星俱在黃
道北十教度外月五星皆不及犯第八星在黃道北八度

弱第九星在黃道北九度半強第十二星在黃道北九度弱惟金星及犯之第十三星在黃道北五度弱月與火金二星及犯之第十五星在黃道南三度半強月與火土金水四星及犯之第十四星十六星在黃道北半度弱第十七星在黃道南一度半月五星皆及犯之

彗孛客星見軒轅

後漢書天文志軒轅為後宮七星周地客星居之為死喪又曰軒轅為後宮星出之為失勢

宋史天文志彗孛犯軒轅女主為寇一曰兵起客星犯之近臣謀滅宗族

觀象玩占彗孛犯軒轅近臣誅彗孛入軒轅守之三日天下
亂客星犯軒轅宗室有反者郝萌曰外夷有來降者守軒
轅女主有憂石氏曰五將兵發

流星出入軒轅

宋史天文志流星入之後宮多譏亂乙巳占流星出之後有
使出一曰天子有子孫喜

觀象玩占流星入軒轅乙巳占天子有子孫喜

雲氣出入軒轅

觀象玩占蒼白氣入軒轅後宮憂疾疫赤氣入宮中憂火

天稷

宋史天文志天稷五星在七星南農正也取百穀之長以為號明則歲豐暗或不具為饑移徙天下荒歉

觀象玩占天稷五星主百穀其星溫溫而明則百穀成不明則穀不成

天文會通天稷五星主農正之官主黍稷以供養盛奉祭祀也星就聚則農正不職

按天稷宋史載在星宿晉志隋志載在二十八宿外儀象志及儀象考成俱無

天相

宋史天文志天相三星在七星北一曰在酒旗南丞相大臣

之象武容曰占與相星同

觀象玩占天相三星主爵位及五色作服之事其星明則相臣忠暗小則相非其才動搖則相易芒角則相專恣星亡則輔相之臣有誅黜者

天文會通天相三星星明潤則吉暗則凶

按天相三星其最北一星亦在黃道南十六度月五星皆不及犯

彗字客星見天相

宋史天文志彗客犯之大臣誅

觀象玩占彗出天相相出臣有謀兵起犯之相死客星出

天相天子有變令入之相臣憂赤星入犯天相相臣有誅死者

天文會通彗孛干犯天相權臣受戮一曰貴臣當之客星干犯天相大臣以事敗坐法

流星出入天相

天文會通流星出天相天子遣大臣出疆

雲氣出入天相

宋史天文志雲氣入黃為大臣喜黑為將瘧

觀象玩占黃氣入天相相臣有喜黑氣入之相臣死不則疾病蒼白氣入相臣憂赤氣入相臣誅赤氣出相出師

內平

宋史天文志內平四星在三臺南一曰在中臺南執法平罪之官明則刑罰平

觀象玩占內平星微暗則獄不理

天文會通內平四星在軒轅北主平刑斷獄

按內平四星其最南一星亦在黃道北十八度半月五星皆不及犯

彗孛客星見內平

天文會通彗孛干犯內平主大臣以家事下獄坐罪一曰刑獄之官憂客星干犯內平大臣下獄內平色黃遇赦餘色

凶

流星出入内平

天文會通 流星抵觸内平 天子遣使治獄

雲氣出入内平

天文會通 黑雲氣干犯内平 執法者憂黃雲氣犯之 刑法之

官受賞

欽定天文正義卷四十七

張宿占

張宿占

史記天官書張素為厨主觸客索隱素嗦也爾雅云鳥張嗦郭璞云鳥受食之處也

宋史天文志張宿六星主珍寶宗廟所用及衣服又主天厨飲食賞賚之事明則王行五禮得天下之中動則賞賚不明王者子孫多疾移徙則天下有逆就聚則有兵

觀象玩占張六星為天府一曰御府一曰天昌寶為朱鳥之嗦火星也主天廟明堂御史之位遠方貢物之庫又曰主長養萬物其北十三尺為日月五星中道明大則人主昌天下治民物阜蕃厨養具暗小不明則五禮失多疾病

按張宿六星其最北一星亦在黃道南二十二度月五星皆不及犯觀象玩占謂其北十三尺為日月五星中道較今測差少九度

彗孛客星見張宿

後漢書天文志張為周地彗星犯之為兵喪

晉書天文志星孛於張占曰為兵喪

宋史天文志彗星犯張宿國用兵民亡守為兵出為旱又曰犯守君欲移徙宮殿 星孛於張為民流為兵大起 客星犯張宿天子以酒為憂守之周楚之國有隱士出入於張兵起國饑舍留不去前將軍有謀又曰利先起兵

觀象玩占彗孛出張石氏曰天下亂甘氏曰有水災客星
出張君使人於諸侯入張君有賜客之事一曰有使客來以
五色占石氏曰國治宗廟客星守張天下饑一曰糴貴人流
亡海中占曰客星守張滿三十日有亡國死王一曰食中有
毒一曰有來獻食物者

天文會通彗星芒及及尋丈犯張宿其野改立侯王亦曰外
戚干朝政彗星芒及不盈尺犯張宿其野有使君亦曰有死
大將彗正出張光芒長及三丈至五丈其野諸侯自相侵伐
彗出光芒犯張其國臣下叛謀不成光芒及丈餘臣下不
受制孛星干犯張宿光芒若火炬其分有兵喪星孛於張

色青其野歲饑民流色白其分兵起色赤其野宗廟有災色黃其野有土功色黑其分臣下失刑執法者枉法害無辜字星出張星宿其野有盜賊起若光芒抵天廟其野憂火災字星抵張宿若光芒環繞久之其野有不庭之方亦曰有擅權諸侯亭星出犯張宿歲旱五穀貴客星凌犯張宿其野諸侯擅征伐一曰刑賞自臣下出客星犯張宿乘之二十日不去者其野臣下失刑執法者失職客星留舍張宿其野諸侯自相侵伐若芒角四散不收其國暴兵至客星犯張宿其野有饑民黎庶流亡又曰客星犯張宿色青有芒角其國奸臣並進若舍之而不去色白其野憂兵色赤則宗廟憂火災色

黃有芒角則其野有陷城失地色黑其分憂兵起客星有變色則弓弩大貴其國饑饉

流星出入張宿

宋史天文志乙巳占流星出入張宿宗社昌有赦令下臣入賀

觀象玩占流星入張諸侯有來貢者一曰有徙民天文論曰有犯上者近臣憂流星出張諸侯有受賜者流星犯張廚官有事流星抵張巫咸曰廚宰受賜

天文會通流星變色抵張宿其野有兵流星抵觸張宿旁及天廟則其野失刑賞若光芒炸若火炬屈曲如電其野有自

立諸侯流星抵觸張宿其分大荒米貴

雲氣出入張宿

宋史天文志蒼白雲氣入張宿庭中觴客有憂黃白天子因喜賜客黑為其分水災色赤天子將用兵

觀象玩占赤雲氣出入張天子用兵賜物白氣入張大客有憂黃白氣出張天子使使賜諸侯赤雲氣如波揚入張宮中
火災

天文會通蒼白氣干犯張宿其分憂兵火若蒼赤氣掩張有內變亦曰有陰謀赤雲氣竟天抵張其國有諸侯相攻亦曰有不庭之方若環繞之其分有兵兵止無兵兵起青雲氣如

正練竟天抵觸張宿其野有吏王黑雲氣徘徊且散其分水
災出入環繞其下君長防刺客

天廟

宋史天文志天廟十四星在張宿南天子祖廟也明則吉微
細其所有兵軍食不通

觀象玩占天廟十四星均明則吉微暗失常則有白衣之會
又曰天廟星色黃潤則吉蒼白有憂青黑則憂在宮中

天文會通天廟十四星主東越三夷星明潤則國祚昌明大
出怒角則宗廟有憂

按天廟宋史載在張宿晉志隋志載在二十八宿外儀象
志及儀象考成俱無

欽定天文正義卷四十八

翼宿占

翼宿占

史記天官書翼為羽翮主遠客

宋史天文志翼宿二十二星天之樂府主俳倡戲樂又主外夷遠客負海之賓星明大禮樂興四國賓動搖則蠻夷使來離徙天子將舉兵

觀象玩占翼二十二星曰化宮一曰天都市一曰天徐一曰天旗土星也是為朱鳥之翼為天之樂府主和五音調六律五樂八佾以御天宮寶為南宮之羽儀文物聲名之所豐茂主三公化道文籍及蠻夷遠客負海之賓俳優狄鞮戲娛之事其北二十有三尺為日月五星中道其星光明有叙則君

明臣賢禮樂興天下平四夷率服星暗大小失次則帝主失禮王道衰微動搖則有蠻夷之使來就聚則天下相伐徙移則三公廢離徙則民流星亡則化道不行文籍壞滅明大芒動則王者用兵征伐四方

按翼宿二十二星其最北一星亦在黃道南十度強月五星皆不及犯觀象玩占謂其北上十有三尺為日月五星中道較今測差多三度弱

彗孛客星見翼宿

宋史天文志彗星犯翼大臣憂國有兵喪星孛於翼亦為大臣憂其分失禮樂出則其地有謀下有兵喪芒所指有降

人客星入犯翼國有兵大臣憂一日負海國有使來守之
為兵起

觀象玩占彗孛出翼禮崩樂壞國以兵亡乙巳占曰其國以
水饑人流亡有兵若有喪客星出翼石氏曰君遣使於負
海之國巫咸曰將軍反兵起大戰同姓諸侯有自立者又曰
邊有大急大水傷五穀人流亡蒼星出翼五穀風凋客星出
入翼多風雨河決水且至道不通客星守翼君弱臣強四夷
不王一日邊城有戰一日雨傷五穀有大風名山崩荊州占
曰大饑南宮侯曰權臣亡羽毛旗幟貴乙巳占曰大星守翼
大水江海決溢道路阻塞魚鼈槁死於陸

天文會通彗星犯翼宿其國女主有疾亦曰外戚干政彗本
出翼芒射他星其野有兵火亦曰國有喪 星孛於翼光芒
四散不收其國有立王亦曰有不受制諸侯孛星出犯翼其
宿其野憂兵火亦主外寇至孛星犯翼其國有甲兵其分失
禮樂 客星乘翼夷狄交侵中國客星乘犯守翼光芒四出
動若風焰其下人臣擅權亦曰有叛謀客星留守翼乘之不
去其野有兵火防外寇至

流星出入翼宿

宋史天文志流星犯翼宿亦為憂在大臣出則其下有兵入
為貴臣囚繫乙巳占曰流星入天下賢士入見南夷來貢國

有賢臣

觀象玩占流星犯翼國用兵秋冬犯之土工用流星入翼海國有使來貢奇禽流星出翼有兵出一曰天子使使出求賢流星經翼聲如雷禁中兵起軍破民流

天文會通流星出翼光芒炮若火炬者樂府有火災

雲氣出入翼宿

宋史天文志赤雲氣出入翼有暴兵黃而潤澤諸侯來貢黑為國憂

觀象玩占赤雲氣入翼有暴兵入國境赤氣出翼其國兵出隨氣所之蒼白氣入翼太常之官憂之黃氣入翼諸侯來貢

出則天子使使於諸侯黑氣入翼正抵其星三夜不去宗廟有災大人憂兵起

天文會通赤氣亘天犯翼環繞不侵他宿者其國為夷狄所掠青雲氣犯之其野糴貴赤黃氣環繞之其國有火災一曰樂府憂火

東甌

宋史天文志東甌五星在翼南蠻夷星也天文錄曰東甌東越也今永嘉郡永寧縣是也芒角動搖則蠻夷叛

觀象玩占東甌五星主東越及穿胃越裳諸國蠻夷之星也動則蠻夷有變芒角張則蠻夷叛

按東甌宋史載在翼宿晉志隋志載在二十八宿外儀象
志及儀象考成俱無